

帶

經

堂

集

帶經堂集卷五十七

歙門人程哲校編

新城王士禛貽士

贊尾續詩三

南海集下

南海神祠

茫茫百粵間衆水歸扶胥下滙波羅江日夜相灌
輸嗟峩兩虎門衛此陽侯居神宮壓滄溟潮汐在
階除我駕萬斛舟乘風但斯須飛廉送旌麾龍伯
爲前驅百靈何蜿蜒穹龜與長魚將命肅牲醴來
格神所愉振衣浴日亭遙見三足烏咫尺躡樊桐
覽彼天帝都

登浴日亭

乘槎興不盡復欲帆去南溟夕次扶胥口朝登浴日亭島夷紛破碎天水倒空青一望窮寥廓真看小洞庭

使院懷幼華都諫

須以典試使
粵亦居此院

春半炎州苦煩熱清晨初試葛衣涼懷人二月小
寒食照眼一枝紅佛桑定有新詩千首富都無寶
劍百金裝我來君去如瓜代極目天南少鴈行

與元孝翁山蒲衣方回王顧諸子集光孝寺

寺舊名虞苑
虞功曹故宅

一鳥鳴灌木招提春雨餘偶來方外遊踪跡似閒
居清池浮水蘿碧藻躍文魚輕颶散訶林葵樹交
扶疎灼灼佛桑花紅豔驚珊瑚緬追昔賢迹俯仰
懷赤烏孝廉自英雄江左盛文儒魯周闡外寄張
顧府中趨如何虞仲翔獨此悲向隅青蠅爲弔客
千載同欵歎

菩提壇

一花五葉後此樹留孤根枝條徧震旦老榦無冬
春我來瘴海遊入此甘露門秦松與漢柏瑣細皆
兒孫清池澹疎雨妙義聞風旛菩提本無樹更與

智者論

五羊觀

仙人騎五羊傳聞萃於此仙去羊獨留片石母乃是臧穀兩俱亡寢訛亦相似安得王初平重來叱之起

同庭表叟園元孝翁山蒲衣遊海幢寺遂至

海珠寺

扶胥潮未落白鷺上輕艤高閣諸天外層城一水天涯春江沙步雨古寺木綿花珠石中流是延緣路未賒

蒲澗寺贈范公

我來蒲澗上菖蒲方紫茸水流危石底雲出半山
中布席桄榔樹吹衣荔子風還將鐵如意日暮對
支公

濂泉寺

閑隨綠蘿去忽與碧谿逢水石微通徑煙霞獨倚
筇寺門編笏竹磴道入雲松尚憶安期子青天跨
白龍

登粵秀山

越王古臺上春暮復登臨割據無秦漢滄江自古

今風吹鼈背雨日射虎門陰欲問呼鸞道荒涼蔓

草深

歌舞岡

歌舞岡前輦路微昌華故苑想依稀劉郎去作降
王長斜日紅綿作絮飛

廣州竹枝六首

潮來濠畔市名接江波魚藻門邊淨綺羅兩岸畫欄
紅照水簾船齊唱木魚歌

海珠石上柳陰濃隊隊龍舟出浪中一抹斜陽照
金碧齊將孔翠作船篷

梅花已近小春開朱槿紅桃次第催杏李杜杷都
上市玉盤三月有楊梅

佛桑花下小迴廊曲院深深牡蠣牆細熱海沈銀
葉火金籠倒挂試收香

鬟雲盤髻簇宮鴉一線紅潮枕畔斜夜半髮香人
夢醒銀絲開遍素馨花

才到花朝似夏闌雨紗霧縠間冰紋洋船新買紅
鸚鵡却苦羊城特地寒

詠蕃劍贈客

蕃劍來何處知從海舶長當軒秋水色脫匣列星

行鋒使箖箊折神應魑魅藏倘逢暴公子櫨具有

輝光

詠長壽寺英石

石黃色如蜜珀
狀亦奇物也

愛此招提石鏗如哀玉彈晴天起雲霧遠勢出峰
巒池上潮新長

池與江通潮汐

窓中蘚故寒悠然謝袍笏

日百迴看

登六榕寺浮圖

舊名寶莊嚴寺

六榕不可見地以大蘇名白社無人到蒼苔滿院
生塔窮炎海目山擁粵王城欲假南溟翼扶搖
上征

與諸公約遊小金山

靈峰名最古亦有妙高臺拳石浮空闢滄波足溯源德雲何日去坡老記重來更約三生話輕風引渡杯

僞漢劉龜冢歌

紂干山雀凍欲死朱五經兒作天子紛紛負販皆侯王山牛兔絲粵中起中原湏洞久風塵遂使庸奴竊邊鄙黃屋左纛歷四世坐斥洛州爲刺史昭陽溝水流真珠論車却笑燒沈水金銀當日銅三泉帶劍上陵嗟已矣苦將肖像擬休屠金蠶玉魚

誰料理茂陵甲帳出人間況爾區區安足齒驪山
地市竟如何銀海茫茫同一軌

大將軍孝揚弟餞別海幢寺即席有詩賦答
元戎小隊到禪扉蹋閣攀林興不違賦似江淹頻
惜別人如楚客送將歸貝多樹下花沾席璫瑁潮
邊雨濺衣最是斑駔留不得陸郎行處正芳菲

別耑孫元孝翁山方回

者舊海南偏相思二十年來攀貝多樹別負荔枝
天江晚饒芳草山春有杜鵑別離無限思都付簷
人船

羚羊峽

逆流入西江已闖高峽中何年神羊跡靈輿開鴻
濛灘江挾牂牁日夜來向東怒流會端州奔湊朝
祝融萬仞束洪濤大哉造化功龍從雲雷窟黯澹
蛟鼉宮更聞溪中石價與瑤琨同當年貢天家千
指勞人工鼈行九地底下與水府通微軀一不戒
崩隊誰能窮尤物古所歎念此心忡忡

羚山寺

古寺四月中尚有木綿花殷紅照羚羊苔蘚何紛
葩下有束江亭俯臨硯洲沙牂牁萬里來遠勢如

修蛇高峽扼其衝天險逾褒斜寺當兩峽口石徑
交哈呵紅泉尚分飛竹筩通坳窪西望端州城七
星莽周遮明當陟其巔舉手塞匏瓜

沈佺期黔山寺賦云
中有紅泉分飛碧嶺

七星巖石室

北斗森魁杓何年化爲石散落南斗旁光芒色相
射遙填端州城七峰張幕布崧臺屹中央掩靄仙
靈宅天帝觴百神於茲互主客巖竈鳴鼓鐘石乳
亂矛戟往往鳥獸形奇譎蕩精魄其旁兩洞天豁
衍幾年闢水聲暗澎湃時有蜿蜒跡云此龍所宮
終古雲霧積沉沈抱珠睡五嶺慳雨澤吾欲割其

耳兩工起鞭策坐使瀝湖盈乘流挂帆席

時旱甚
瀝湖竭

題松臺

石室崧臺儼畫圖百神觴罷散清都七峰處處供人眼莫笑淹留類賈胡

上屏風巖磴道未及霄關而返

暮登扶嘯臺欲問含珠徑山月出未高羣峰忽已暝清露滴生衣孤松偃危磴何處仰霄關雲中一

聲磬

登閣江樓二首

水自蒼梧下山將荔浦連潮增炎海漲春入夜郎

天樓閣凌空起雲峰壓座偏不因衝瘴癘誰見此

山川

七星橫北郭南抱閥江樓龍氣千山雨祥柯萬里
流島夷新市舶節鎮古交州好記須陵望他年賦

壯遊

山海經帶水出象郡入須陵
東南即此水也時海禁初開

端州別魏昭士因寄和公於廣州

人生如萍蓬飄轉少根蒂況復出處殊合并安可
計我夢翠微峰巖峩在天際幽人侶猿鶴石門掩
松桂詎意萬里遊相見炎海裔世事苦匆匆傾蓋
忽分袂我攀庾嶺松君飽珠江荔阿戎共扁舟崧

臺暫流憩良會那能常宿昔紛鼓枻湏水方南下
灘江復東逝中宿潮不來何由慰迢遞

三水月夜別陳閔孝程燕思

碧天月晶晶江水風蕭蕭明發一爲別孤踪千里
遙梅關稀見鴈中宿不通潮好寄相思子他時慰
寂寥

重遊飛來寺

我昨遊飛來乃自東峰始得隴復望蜀夢落西峰
裏歸棹粵江潯煙雨孤篷底苦提解迎客一笑呼
屐齒繚繞曲棧危宛與蜀道似數折得石壁萬笏

摩空起如ㄏ如步櫛神工信奇詭西巖隱飛瀑逆
鱗流石髓鳥啼脩脩竹花覆濛濛水平生禽尚志
歎息吾衰矣笑問白足僧胡爲羨衣紫

黃石磯夜雨

春枕夢忽破決溜鳴篷窓驚雷礮陰峽急雨鋌奔
灑新涼卧桃笙遠夢生楓江起坐祝媼龍添波送
歸艤

大廟峽

夜泊黃石磯急雨如萬弩朝過大廟峽怪石蹲渴
虎靈祠出叢薄飛甍粲可數美人珥明璫侍者拾

翠羽春蘭與秋菊無絕此終古落帆薦溪毛蘋花
媚中渚神光乍陰陽朝雲無處所欲去更徊徘桃
榔颯飛雨

大廟峽寄黃庭表太史

自清遠至湧陽亦曰三峽

出峽復入峽舟行多苦辛青山巒徼外黃帽越溪
濱迢遞經寒雪飄零惜好春佛桑花下酒應憶北
歸人

十五夜峽口對月寄廣州諸故人

峽口今宵月其如客思何離離見珠斗穆穆展金
波故壘餘蕭勃殘山弔尉佗覩江猶一水相望似

秋河

雨入湊陽峽

野泊開頭早重陰入峽寒側過釣魚石逆上牯牛
灘雨逼驚瀧失雲從大壑看十年經劍閣轉見路
行難

湊陽峽

峭帆入臯石絕壁太古色山川方出雲白日轉昏
黑浩浩一水逝蒼蒼兩崖逼雄雷地中奮坤軸倏
傾仄十步一盤渦下視窈難測云中穴蛟蜃呀呷
擇人食牯牛灘尤險絕艱虞萬夫力石棧緣秋毫

名

百丈牽江直慘慘鷗鳩啼猿猱不遑息尚憶符韶
州名錫架閣擬巴僰事往逾百年遺踪半湮泐陵谷
一俯仰感歎情何極

歸度大庾嶺

大庾連橫浦艱難此再經鬢從五嶺白山入百蠻
青嶠水流炎海榕陰數上驛亭今宵望南斗漸遠

使臣星

抵南安

嶺南已負荔支天橫浦重過意惘然暫借谿樓看
山色蠟花如雪寺門前南安人以蠟樹爲業彌望皆是

舟入雙牌峽

橫浦雲陰薄晨光駿碧虛江邊寒進艇峽口靜攤
書幔捲時來燕溪清獨羨魚萍浮任流轉踪迹似
閒居

贛州別鴈水

與君暫相見揮手古虔州孤棹山俱遠雙江水亂
流急灘穿詰曲深竹叶釣輞離別兼羈旅中宵感
白頭

新淦道中懷門人林公韞兼寄丁鴈水

七載相思木蘭道那知相見鬱孤臺江湖湧洞扁

舟遠賓主東南一代才伏雨闌風朝復暮滄波白
鳥去還來三洲不共窪樽飲懷抱何因得好開

豐城曲江亭

磯山高百尺磯下曲江流芳杜蕭蕭暮金花歲歲

秋金花潭青峰相嫵媚白鳥自滄洲已矣干將氣宵分

望斗牛

吳城登望湖亭寄周南康星公

東南臨眺美何如信有孤亭切太虛極浦長風生
左蠡畫簾清晝對匡廬九江潮汐迎人遠五老鬚
眉見面初明日玉淵潭上酒共看飛瀑駐籃輿

鄱陽湖舟中望廬山

月明出彭蠡照見南康城向夕滄波闊羣峰煙霧
生杖藜訪匡續沽酒醉泉明誰識高歌意臨流自
濯纓

與豹人星公往白鹿洞次迴流山

廬山何高高白雲在山腹倏忽縈山椒亦或帶山
足上下無定姿頃刻屢移矚山徑不逢人樵歌出
深谷何處遞松聲風泉滿林麓

初入五老峰謁白鹿洞呈湯佐平先生

忽忽遠城市浩浩臨滄洲良辰愜竒賞始遂廬山

遊威紆屢轉壑窈窕時經丘潺潺風瀑瀉蒼蒼石
川流騎牛緬往迹眠鹿欽前修風景宛猶昔年運
條已道唯有五老峰屹立忘春秋紫芝驚漢帝黃
石招留侯泉石不我遐桂樹生山幽

自白鹿洞至三峽澗

溪行少阡術沿洄屢迷津馬蹄怯危石欲下還逡
巡出谷見稻畦煙火自成鄰日午聞雞啼哀徑見
遺薪薜荔衣怪樹山風恐行人舉首五老峰白雲
如魚鱗遙青遞隱現光景相鮮新望望玉峽亭聊
可垂吾綸

三
峽
橋

五里聞瀑聲轟若車千兩豁迴見飛梁穹若虹百丈衆流會三峽峽門扼其吭建瓴沸驚湍排空削層嶂石激水斯怒水橫去石逾壯水石終古爭怪奇紛萬狀日射金井潭濺沫出橋上日光散青紅雨絲亂飄颻絕境遇兩蘇何人繼高唱

玉
淵
潭

已歷三峽橋更訪玉淵水水流大壑中路轉層松裏片石橫百仞其右平如砥九十九飛瀑一門爭萬軌岸崿直要衝跳盪不得止雪浪如車輪凸凹

忽奔駛激射爲深潭神物潛尺咫夜黑風雨來鱠
鮪皆避徙久立凜毛髮薄雲漏餘晷西眺石人峰
梵唄空中起

栖賢寺

李渤讀書處乃在栖賢谷何年作招提來尋愜幽
獨僧舍如蜂房高下傅山麓雲來漢陽峰時就簷
下宿古寺無所有修竹間喬木野衲喜客來欣然
設茗粥便欲置草堂巖栖於此卜

彭蠡守風送豹人往南昌

茫茫彭蠡雨漠漠匡山雲雨帶孤帆去雲將別緒

紛蛟龍深自喜牛馬望難分三峽橋邊水扶筇昨
共聞

萬杉寺

朝過玉京山緬想陶公里豁迴得寺門曲折杉松
裏雨中念佛鳥交語清人耳風吹修竹林下有寒
泉水

開先瀑布

神龍擘空冥颯沓雙峽開青天露鱗甲白晝行風
雷峽逼不得逞掉尾揚其頰千仞忽開豁下有布
水臺嘗聞龍奮迅三昧何雄哉誰能一鉢盛終古

相喧逐夜來雷雨怒大石爲崩摧龍遊引九子煙
霧紛徘徊偉矣南宮書韓上有米元章大字破壁鏡崔嵬有語不
敢吐以俟冠古才

開先寺贈顥公

古寺昇元舊興亡感至今晴天雙瀑下急雨萬松
深但有龍聽法何須地布金琴高不可即陰峽畏

登臨

蘇公開先漱玉亭詩
欲從琴高生云云

招隱橋

萬仞黃巖瀑流過招隱橋長松吹細雨水石共瀟
瀟

萬竹亭

宋守樓
杓命名

大竹如盆蓋森梢覆古巖試嘗甜苦筍亭上脫春衫

佛印松

印公手植松挺若舟千斛山空孤月明傳聲亂飛

瀑

南唐元宗讀書臺

猶存讀書臺不見昇元閣寂寂青桂花巖間自開

落

青玉峽

廬南萬古峽常有野雲封朝來雷雨過白日下飛

龍

聰明泉

手掬聰明泉一滴大海味不逢桑苧翁知希我方

貴

王文成紀功碑

文成摩厓碑其字大如手萬古一浯溪光芒同不

朽

寄題三疊泉

坡公賦廬山選勝僅取二開先與三峽雙瀑誰軒

輕此遊兩經行竒觀偶然遂遺恨三疊泉扶筇未
一至譬如禽慶游五嶽得其四他年謝羈鞅更擬
探靈闕一削陸羽經別續廬山記

大孤山

宮亭湖上好煙鬟倭鬚初成玉鏡閑霧閣雲窓不
留客蘋花香裏過鞋山

石鐘山

蘇公遊賞後餘韻石鐘山水石長如此行人自不
閑鶴巢丹壁上魚羃翠微間安得乘明月扁舟數

往還

小孤山守風

已過落星石前臨大雷岸水宿淹期程日暮中流
半紈紈成鼓鳴蕭蕭水禽散愁對小姑祠靈風送
波瀾

彭澤雨泊有懷陶公

陶公令彭澤柴桑一舍耳猶對匡廬山共飲西江
水一朝悟昨非扁舟歸栗里笑指故山雲吾心亦
如此我來彭澤縣秫田沒沙觜急雨送寒潮三歎
顏延誅

即事二絕句

吳頭楚尾浪花麤
終日彭郎對小姑
楊葉洲邊望煙火
江南江北雨模糊

往來不見馬當船
三日蘆中少爨煙
東望皖公才百里
金陵難似上青天

江上看晚霞三首

彭澤縣前風倒吹
三朝休怨峭帆遲
餘霞散綺澄江練
滿眼青山小謝詩

白浪空江斷去人
連朝風色起青蘋
小孤山外紅霞影
定子當筵別是春

瀟瀟寒雨暗潯陽
日日江潮過馬當
東望滄溟天

萬里乘風欲度赤城梁

過馬當

魯望亭前水拍天青山缺處有人煙
煙波不見天隨子時有僧舟乞施錢

皖城懷古四首

憶昨經過射蛟浦今朝還望盛唐山
大江日夜流如昔武帝雄風去不還天馬蒲桃空塞外飛廉桂
館自人間茂陵抔土秋風裏玉女何曾解駐顏
龍舟曾颺錦帆風回首淮南事不同降邸已聞營
汴上旣公猶自落杯中豫章一去歸何日廬阜重

來隱未終苦憶舒州徐騎省江潮東下雨濛濛
清水塘邊余闕祠雲霄浩氣凜鬚眉英姿颯爽猶
橫槊古砌荒涼只斷碑鶴化千年非故國雞鳴十
廟不同時皖江便是田橫島義士悲歌爲涕洟
羅刹磯頭落日懸侍中遺跡至今傳楚纍有恨沈
魚腹蜀魄何心化杜鵑家國幾看陵谷變江山猶
痛革除年青溪血影留遺石巾幘還應愧世賢

泊夏家口二首

秋浦猿聲夜孤舟客乍聽星星見漁火已到卸帆
亭

已近梅根治江流更幾灣明朝風日好應見九華山

曉望銅官山

空江寒月落坐失九華峰回頭望秋浦何處九芙蓉
曉日銅官上洩雲連五松碧雞好毛羽安得一相從

荻港

荻港東來指赭圻估帆停處一鷗飛大江小汊縱橫入蓼岸藤灣遠近圍勝地不留逋客住暮潮閑送夕陽歸黃公戰處今殘壘憑眺休登板子磯

板子磯

板子磯前路風帆之字行紅花將翠篠的可憐
石上紅花低照水山頭翠篠細
含煙楊誠齋題板子磯詩句

三山磯

澄江日夕淨歸鳥投前浦明霞散淪漪輕飈澹容
與南臨春穀溪北眺濡須塢何處是三山沙頭駐
鳴櫓

繆磯靈澤夫人祠二首

白帝江聲尚入吳靈祠片石倚江孤魂歸若過劉
郎浦還記明珠步障無

霸氣江東久寂寥永安宮殿莽蕭蕭都將家國無
窮恨分付潯陽上下潮

江行望識舟亭

鳩茲北面識舟亭天際歸帆望杳冥松竹陰中孤
塔白樓臺餽處數峰青赭山人去生春草江水潮
迴沒舊汀更憶于湖翫鞭迹吳波不動客揚舲

天門山歌

亦曰蝶眉山

昨過蛾眉洲今到蛾眉山楚江東來似明鏡雙眉
日日相彎環江水東流浸明月月上山頭更清發
若教寫作十眉圖橫雲却月俱奇絕太白昔日賦

天門謫仙風流今尚存文漪搖曳緒飈起落霞卷
舒嵐氣昏自笑一生湖海客半載浮家仍泛宅夜
涼星斗正闌干欲上山頭呼太白

天門山夜泊

萬里孤舟泊今過博望山勝遊非夢到絕域此生
還列宿垂江闊疎螢點鬢斑宵分望明月歸思折
刀環

牛渚望青山

峰色如橫黛江光似慰羅昔人行樂地今日復來
過小謝青山宅桓公白紵歌近白紵山他年尋菌閣終向

此巖阿

采石太白樓觀蕭尺木畫壁歌

落帆向牛渚直上太白樓
錦袍烏帽太瀟洒
迴看四壁風颼颼
蕭生何年畫此雪色壁
峰巒出沒煙嵐稠
元氣淋漓真宰如江湖
湏洞蛟龍愁吳觀
越觀上海日蒼煙九點
橫齊州祝融諸峰配朱鳥
瀟湘洞庭放遠遊
峨眉雪照巫峽水匡廬
瀑布下彭湖流須臾
使我行萬里譬如怒隼凌清秋
我生海隅近岱畎西遊
曾上瞿唐舟昨登五老弄瀑布却臨
三峽窺龍湫七十二峰身未到蒼梧已略天南頭

太白遊踪徧四海晚愛青山采石聊淹留丈夫當
爲黃鵠舉下視燕雀徒啁啾

太白祠

白也祠堂在前臨牛渚磯風流映江左山水尚清
暉小謝東田近開元舊事非姑溪好風日遊子亦
忘歸

然犀亭

不是溫忠武誰堪第一流飛書先赴難洒淚獨登
舟赤幘驚幽渚黃旗指石頭孤亭臨玉鏡淅淅荻

蘆秋

峨眉亭

采石磯頭百尺亭下臨天斬畫冥冥天門中斷楚江闊日日峨眉相對青

烈山

古寺紅牆出翠微莓苔石壁滴人衣一行白鷺衝船起却上半巖松頂飛

過三山

三山二水古今同如練澄江碧映空二十餘年到江左依然拄頰望雞籠

抵金陵

佳麗金陵道垂楊夾去津潮迎落帆客花映倚樓
人依舊青山繞如何白髮新昔遊三十載鬢方鬚記
前塵

石城橋示倪鴈園太史

昔作秦淮客朱樓賦洞簫白頭故人盡重上石城
橋

江浦道中田家

田家無面勢茅屋各東西細雨開疏圃流泉入稻畦
水牛風處卧沙燕浦邊低農圃吾生拙飄飄愧
杖藜

雨過醉翁亭四首

琅邪山色好蒼翠連州城日夕巾車去煙蘿通徑行四山新雨過數里聞泉聲悵望昔人遠彌深方外情

出郭逢樵牧橋迴境已幽門前荇溪石即溪石亭下釀泉流禽鳥鳴何樂松篁颯似秋吾生嗟太晚不及醉翁游

風景非疇昔亭猶號醉翁曾將幽咽意進入七絃中我欲攜琴客臨流撫古桐不逢沈夫子噭噭夜猿空

歐梅映池閣半畝散清陰老榦猶存古孤花開至
今冰溪尋寺遠雪路入山深此際巡簷好寒香伴
苦吟

望琅邪寺

琅邪遺古寺南望隔層巔苔蝕陽冰篆溪流庶子
泉牛下山徑鐘磬發孤煙未許行勝去僧房借
榻眠

晚至豐樂亭

豐山高不極到寺已昏鴉一塢舍桃樹滿山烏柏
花僧離汲幽谷泉在幽谷活火試新茶歸去松蘿暝嚴城

報暮笳

天慶觀

宋立端命殿於滌以奉
藝祖又置觀於其側

宋家天慶觀古迹近千秋原廟春供祭衣冠月出遊莓苔蒼鼠竄風雨杜鵑愁西洛諸陵遠蒼茫接

汴州

西澗

西澗蕭蕭數騎過韋公詩句奈愁何黃鸝喚客且

須住野渡菴前風雨多

澗上有野渡菴
取韋詩命名

清流關

蕭蕭寒雨渡清流苦竹雲陰特地愁回首南唐風

景盡青山無數繞滁州

懷王隼梁無技

王字蒲衣深字
王贊皆南海人

二子才何妙閑門對海濱繙經裁白颺行藥過青
春綺麗誇宮體風流似晉人最憐閨閣裏清詠玉

臺新

王贊皆工詩

寄蒲澗範公

憶訪菖蒲澗榕陰席屢移泉聲微雨裏江色夕陽
時空谷無殘客諸方問導師杼山詩法好慙負白

雲期

見田家飯牛者意有所感賦得牛飯就松涼

蘇坡宣城梅
子蘇朴句也

黃犧東臯暇青松北澗生卧餘芳草軟飯處午陰
清甯戚歌偏拙華陽計早成勞勞行役者三歎憶
巖耕

歸次臨淮

歸路仍淮水崎嶇嶺海餘我行萬里道未得一行
書漁戶緯蕭接估船吹笛初今宵孤館裏鄉夢復
何如

苻離

萬里歸來兩鬢蒼閱他南漢又南唐短衣射虎心

猶壯重過苻離古戰場

雨中渡河望黃樓

已見河魚上冥冥雨未休一條飛白浪十丈捲黃
樓杳靄龍山隱空濛雉堞收平生仗忠信欲下呂
梁游

錢牧翁喜李長蘅詩穀城山好青如黛滕縣
花開白似銀實佳句也予冬夏兩過滕不
見一花因成絕句

薛北滕南屢問津遠山如畫黛眉新唯餘底事堪
惆悵不見花開白似銀

嶧山即事

雨足煙村事不閑家家驅犢出柴關棗花香徧濃
陰合水碧沙明望嶧山

大汶口

岸石如羣羊渴者飲於水飲罷或寢訛鞭箠驕惰
起何來西岳精偃蹇洪濤裏

奉符古城

我行奉符城不見崑崙迹何處仙人間青山繞長
陌唯聞党竹溪鬚拂南村宅

徂徠山

雲陰移徂徠影覆汶河水下有賢人居清風被田
里一抔詎能容千秋今廟祀

石守道故居在山下北王村

楊家碑

詰曲皆紅泉縱橫半白石石映月明時泉喧風雨
夕愛此故鄉山臨流布瑤席

甕口峽

岱宗趨肅然

吾鄉長白即史記所謂禪泰山下肚東北肅然山亦曰副嶽也

陰齊陽則魯中

有夾谷臺連峰作門戶石壁造天關蕭蕭綠蘿雨

大洪泉

怒泉如車輪突出絕壁罅瀲瀲石上鳴潺潺雨中

瀉響落千仞溪白鷗驚復下

帶經堂集卷五十七

帶經堂集卷五十八

歙門人程哲校編

新城王士禛貽上

鵝蠶尾續詩四

雜益集

丙子春奉 命祭告西嶽西鎮江瀆出都却
寄李容齋相國陳說巖司徒彭羨門少宰
四首

早歷邛崍萬里程那知垂老又西征六飛正決平
戎策時駕
將出塞九折寧辭叱馭行華嶽終南春浩蕩錦
江玉壘氣崢嶸山靈處處曾相識只怪秋霜兩鬢
生

年年待漏集修門滴盡銅壺笑語溫韋曲西來春
盍盍嘉陵南去雨昏昏蜀箋細字題清怨巴曲哀
音愴旅魂折得花枝相憶否梁州回首夢慈恩

十年兩度展明禋江海空餘汙漫身春老鶴啼催
入蜀年衰鶴病悔遊秦琴臺再訪當爐子簾肆重
過賣卜人興盡蕭然問歸艇碧雞坊外府江津

李長

吉詩鵝病
晦遊秦

年來有味是三乘著紫伽梨苦未能此日只如行
腳去歸來應似罷參僧百城煙水雲隨屢方丈跏
趺雪暗燈五月岷江新漲闊朝辭白帝暮江陵

過琉璃河

琉璃河上駐征驂
柳跪輕冰未蘸藍
三十六陂春水岸
可憐渾不似江南

白河店謁椒山先生祠

墓在店北二里
去麒麟冢不遠

孤城初日上驅馬
白河濱祠宇瞻喬木
清流擷渚蘋觸耶
真解鴈守冢是麒麟

烈祖旌忠日光輝

四十春

順治十五年
文曰旌忠錄頌
詔刺忠愍公疏
賜廷臣令三十八年矣
御製序

新樂縣驛亭有感往事

古驛鮮虞國
寒蕪新市城
鶯花殊寂寞
野水自縱橫
衣帶日以緩
浮生還自驚
敗垣蒼蘚合
何處認

題名

藺相如墓

智勇存危趙相如第一人特書王擊缶間道辭亡秦故國山河改孤墳草木春曾連終蹈海千古共悲辛

真定題臨濟廢寺

欲問西來意因參臨濟師主賓誰辨取棒喝任交馳野鵠巢危塔行蝎上斷碑何因一莖草寶界現琉璃

早發獲鹿縣

小邑淨如拭煙嵐朝打圍忽忘行役遠只似故山
歸澤水侵官路清流浣客衣溪邊鳬鴈喜拍拍泛
晴暉

自獲鹿至井陘道中雜咏四首

纔過鹿泉上呀然開土門崩崖一綫路喬木幾家
村障日山多暝浮嵐晝易昏聞雞已亭午身在武
陵源

少日紛多慨龍門太史書劫殘秦復趙齒冷耳兼
餘豈謂無雙士而師李左車到頭鐘室恨功狗竟
何如

冶水三冬煖西來燕尾斜似聞藏礐石小住問丹
砂急瀨喧危杓疎林卧斷槎魚牀將蟹塊隨處可
移家

斷岸雷方殷奔瀧雪又飛魚驚如避笱鷗下未忘
機贊石何遷次瞿塘定是非倦遊三萬里誰爲寄
當歸于壬子入蜀甲子入粵及茲丙子
再使秦隴及蜀凡行三萬餘里矣

次井陘縣

千嶂通關路雙溪遶縣門亂流爭浦激水碓聒朝
昏夕照魚蝦市寒煙桑柘村當年穆天子雨雪獮
高原

故關

絕塞依天險雄關鎖地維石橫千仞
屏松偃萬年枝盡日無飛鳥經春卧老罷

見北史

槐花秋雨裏重憶

舊題詩

壬子秋過此有句云西風忽送瀟瀟雨滿路槐花出故關

度故關感懷亡友葉文敏公

壬子秋于此賦二詩寄葉

拄笏迎朝爽看山拂帽

舊詩云冒雨看山拂帽

幕

射太行雲往事浮煙散心知落葉分

何時玉峰下

宿草醉孤墳

平定西道中即事

伏流處處瀉驚湍赭石荒岡眼倦看何似小園松

竹下玉螭乘月吐清寒

祁縣訪戴楓仲見其子永豐令記知以壬申歲逝矣輓之一首

麓臺山畔已深春侯甲河邊起暮塵者舊百年誰
碩果江湖萬里慣勞薪予自謂也楓丹笠澤思漁父草綠昭餘醉故人一笑猗歌揮手去嗟來桑戶返于真

予昔爲楓仲作丹楓閣長句引張志和夢楓樹生腹爲比又爲賦天馬鼎多父敦二歌

韓侯嶺題壁

烏喙那堪共良弓久自藏一軍驚大將千古痛真王勢已歸諸呂何勞守四方世家誰載筆讀史淚

霑裳

趙城道中懷門人黃自先張漢瞻周策銘殷彥來蔣靜山諸子兼寄幔亭弟

白首京華七見秋田園蕪沒未歸休陽關又盡一杯酒蜀道重尋萬里遊遙憶美人隔湘水頗衰老子困壺頭苦思下澤車中語慚愧平生馬少游

洪洞縣謁韓忠定公祠

弘恭已自收蕭傅夏憚翻能殺呂強枉使空同奮刀筆子規不勸李東陽

過臯陶廟偶感范滂事題壁

汝南范孟博高義薄雲霄未遂澄清志先逢黨錮
朝大名齊李杜幽憤祭臯陶南北甘陵部千秋恨
不消

平陽懷古戲作

漢宮貴主顏如花何異婁豬求父毅漢家將帥亦
無種昔爲騎從今同車鄭季長孺是何物一朝門
戶生光華生兒願得如衛霍悔不給事平陽家

猗氏縣衛爾錫中丞見過賦贈

鴨綠江頭絕鯉魚令狐城畔攬君祛聲名京兆三
王後衛先爲京兆尹涕淚中山滿篋書都護夜郎餘部曲神

人姑射本清虛從今晏坐消殘劫一室何妨自埽除

郭有道墓

介休縣二首

大槐坂上逐車塵爭效先生折角巾至竟清流解亡國望門投止是何人

謁文忠烈公祠

精神如破貝州時晚節猶能動四夷天遣不同韓富沒姓名留冠黨人碑

風陵渡河抵潼關

行盡并汾路前旌欲度關亂帆河曲水隔岸號州

山地險煙嵐合時清虎豹閑永懷黃綺侶白首卧商顏

訪山史讀易廬時久客淮南未歸

多年華下遂君初廿載重過訪舊廬滿徑苔痕侵
竹石當牕嶽色淨琴書山中宰相人誰識江左夷
吾我不如爲報倦遊歸及早淮南無此好家居

華山雜詩七首

玉泉院

目玩玉泉流靜悟先天易多事隣驢時強與人間
事

山蓀亭

結茅孤石稜玉泉下奔注亭空泉尚流上有無憂
樹

希夷峽

洞門峽半開鐵鎖垂千丈俗駕自然迴何地容种
放

娑羅坪

小憩娑羅坪手撫娑羅樹仰見上方雲時向人間
去

毛女洞

毛女負琴去倏然松杪飛青冥風露冷鬢鬟見天
衣

白鹿龕

雲中跨白鹿心知魯女生乞我一丸藥相將遊玉

清

青柯坪

窈窕青柯館正在西峰罅二十八潭懸飛瀑從天
下

青柯坪迴喜吳天章至自朝邑

昨過風陵渡思君役夢魂暮雲低華嶽春水下龍

門轉徙猶三輔艱難共一樽何時逢玉女同到洗
頭盆

謁郭忠武王祠

華州二首

便橋蕃部擁風雷單騎纔臨鐵騎摧回紇萬人齊
下拜傳呼天上令公來

謁寇忠愍公祠

柘枝舞罷蠟成堆千束吳綾夜宴開不是魏三詩
句好誰知無地起樓臺

新豐

漢代粉榆社遺墟極望平空提三尺劍忍啜一杯

羹細雨新豐樹寒蕪小苑城惟餘舞陽廟漠漠土花生

驪山溫泉

曾過繡嶺弔開元廿載華清役夢魂老大不關興
廢感重來只似洗腸源

秦始皇冢

下銅三泉銀作池一朝禍發牧羊兒誰知地底連
機弩不射周章百萬師

石甕寺

在驪山東繡嶺

當年石甕寺曾對集靈臺青雀無迴信黃蛇是禍

胎

杜詩化作長黃
虬謂祿山也

朝雲何日散山月至今來坐久流仙

梵松聲薄暮哀

灞橋

自古銷魂地茫茫喚奈何行人灞陵渡疎雨櫟陽

過楊柳籠煙薄桃花夾岸多邯鄲東北望流恨滿

雲和

即漢文帝令慎夫人鼓瑟處

灞橋柳

灞橋楊柳碧毵毵曾送征人去漢南今日攀條憔

悴絕樹猶如此我何堪

城南遊詩十首

曲江

賜沐逢修禊宜春歲歲遊傳呼夾城仗早御望仙樓捧劍金人曲凌波綵鷁舟新蒲將細柳蕭瑟至今愁

慈恩寺

昨日櫻桃宴今朝鴈塔行紅綾新賜餅淡墨舊題名柳汁年年綠桑田歲歲更殘僧空劫後相對話無生

薦福寺

即聖容院今名小鴈塔

院從唐代建人以寂音傳

洪覺範嘗居此

水鳥皆聞法雲山

不離禪花邊停浴鼓竹外起茶煙即此忘言說虛空借坐眠

韋曲

皇子陂邊路風光韋曲多曾鄰天尺五最近第三坡芳草新年色桑條舊日歌傷春更懷古容易醉顏酡

杜曲

春衣杜陵宿窈窕一川花舊是岐公宅人傳故相家名園三品石貴主五雲車今日穠華歇棠梨噪暮鴉

牛頭寺

牛頭鐘梵罷露坐俯樊川明月生秦嶺清光滿稻
田微風喧吠蛤野燒起山煙歸卧禪燈寂心空古
佛前

少陵原工部祠

少陵原下路髡髮浣花村猶似開元日終南對國
門秦川空望眼湘水與招魂忍見桃花落紅英繆
綠樽

樊川桃花

三月樊川路紅桃散綺霞終南青送黛滴水碧穿

沙草色
羃腰合渠流
燕尾叉銷魂
過杜曲一樹最

大斜

杜曲南鴻固原下
鮑桃一株方盛開

鄭莊

杜陵客
西蜀常憶鄭
瓜州望古尋遺跡
逢人問故侯
有才三絕擅無恙
八川流近交口
相望韓莊近同悲
貉一丘

秦愍王墓

陳王鬪雞道
今日望陵園
石馬前朝賜銅人
漢代原幽蘭
悲帝子芳草怨
王孫猶有藍田燕
年年入墓門

杜曲西南弔牧之冢

雨枝仙桂氣凌雲落魄江湖杜司入勲今日終南
山色裏小桃花下一孤墳

咸陽懷古

燕丹報秦仇其志良已大志士不謀身豈必論成
敗一哭馬生角天意若有在交龍爲扶輿機橋詎
能害奈何衍水匿骨肉割深愛帝醉顧飛廉四海
遂橫潰徒惜劍術疎千秋發長喟

茂陵懷古

頻年祠太乙晚歲罷輪臺維氏仙何往瑤池信不

迴紅顏鈎弋盡白首子卿哀失勢秋風客昆明又

劫灰

李夫人家

在茂陵西
北數步

長門買賦草萋萋冤魄雲陽杜宇啼惟有佳人解
傾國莢陵長傍茂陵西

楊妃冢

怨粉愁香委路岐祗留羅襪使人悲梨園教就霓
裳譜不似三鄉陌上時

扶風縣早發

車馬扶風道春光冷似秋雲峰會岐下雨腳插梁

州寥落鶯花日蒼茫汎渭流前程兼隴蜀萍跡信
悠悠

馬融絳帳村

絳帳風流蹟尚傳不聞長笛但荒煙李公已爲飛
章死何用區區妒鄭玄

岐山謁周公廟

廟中有潤德泉

元聖祠堂在娑羅覆殿陰砌旁二娑羅樹最古

砌旁二娑羅樹最古

岐周遺俗古碑

碣歲時深故國千秋祀豳風七月心靈泉聽不盡

三歎有餘音

秦穆公墓

雨霽陳倉曉日紅杖藜來訪橐泉宮千年斷碣荒
煙裏一片殘春秀麥中黃鳥哀時良士盡碧雞飛
去霸圖空子車遺冢猶鄰近長與坑儒恨不窮

雨中武貞菴督學招集東湖

行人衣上雨來自杜陽川湖似郎官好名因學士
傳有坡公祠游儻爭唼水垂柳欲生煙重過荷香裏還
勞運酒船元次山詩不能廢人運酒船

再集東湖拜東坡先生祠

復有東湖約來當春暮時涼風散高柳微雨灑清
池自識龜魚樂何殊濠濮思仙翁去千載鬚鬚下

雲旗

汧陽縣

晚上汧陽閣遠山橫翠眉韋莊汧陽詩遠山如畫翠眉橫川長連隴首

段公秀實汧人

城古枕隃糜太尉千秋笏

韋郎七字詩不勝

懷古意羌笛暮休吹

登隴二首

隴頭有流水嗚咽至今寒只自流離下那知道路
難秦川已迴望齊瑟向誰彈東道三千里無因託

羽翰

登隴人回首臨關馬顧羣唐人句遠遊今到此出塞古

常聞不見梅花使惟看隴水分故園渺東海愁絕萬重雲

隴州縣頭鎮古吳山縣也有元縣令丁帶十
詩愛其似姚合武功雜咏恐其湮沒表出

之

瀟灑吳山縣

丁十詩皆以此句爲起

猶傳仙令辭那知煙草裏復

見武功詩過客詢殘堞田家補廢籬當年杜元凱
峴首亦沈碑

登吳嶽

名嶽標西極金天作鎮雄東看連太白北望盡回

中日出橫秦時煙消指漢宮道岍思禹績此地鑿
鴻濛

吳山瀑布泉二首

汧山新望秩曉色五峰晴初日林端豁飛泉樹杪
行尋源經絕壑臨水濯塵纓寂坐丹厓裏身疑在
碧城

望輦峰前路陰厓樵牧稀千尋雙瀑下十笏萬山
圍水石含秋色雲霞變夕霏靈湫有神物金碧射
人衣

祀雞臺

寶雞縣
三首

東周久已換西秦。陳寶何須辨僞真。猶有漢家使持節。益州遠祀碧雞神。

鳳女臺

弄玉空祠鎖寂寥。碧雲天際水迢迢。丹青不畫乘鸞女。夜夜月明聞洞簫。

賣酒樓

東坡
有詩

昨向宜春下苑遊。曲江煙景似悲秋。珠簾甲帳皆黃土。何必陳倉賣酒樓。

寶雞縣南入棧感成

碧油幢引向西川。取次重過二十年。僻壘又經新。

戰伐奮威將軍破賊于此關河不改舊風煙陳倉五夜荒雞早錦水三春旅夢懸長白山前一茅屋何時送老白雲邊

棧道雨

漠漠天將雨沈沈日又西林間畫眉鳥更作盡情啼

鳳縣西溪金絲柳二首

宋苑金絲柳傳來自鳳州經時未憔悴煙態拂人頭

絲拂金明水根移太乙宮東京夢華後何似此山

中

紫柏山下謁留侯祠

相傳是辟穀處并
祀黃石公赤松子

萬木蕭蕭風晝吹深山忽見留侯祠清流白石閑
今古雪栢霜筠無歲時辟穀真從赤松隱授書偶
作帝王師也知烏喙逃勾踐未屑鷁夷學子皮

聞紫柏山絕頂有峩眉老衲獨坐丈室數十年蛇虎皆馴伏今九十有六矣惜不得其名字乃作頌古十絕句屬鳳令寄之丙子
歲四月七日棧中留霸驛燈下成

維摩詰

二
三
師利多言說淨名殊默然語言文字外已示祖師
禪

須菩提

善哉須菩提巖間惟晏坐般若是誰聞諸天雨花
墮

惠持

樹中入定僧千年人不識如何去陳留一往無消息

道超

我愛道超師絕俗耽憩寂退院閒無人蟋蟀鳴秋

辭

寒山

寒山牛跡話此意誰酬酢趙州小廝兒宛有大人作

懶殘

煨火傍羣牛謫來幾千歲懶殘亦俗人誰能爲拭涕

地藏琛禪師

栽田博飯喫獨振玄沙道一笑視諸方說禪方浩浩

法昌遇禪師

法昌亦開爐單丁唯一箇
賴有十八賢
緘口圍爐坐

黃龍晦堂禪師

山谷大辯才妙義皆糠粃
滿院木犀香吾無隱乎爾

褒禪山僧

見冷齋夜話

枕石漱溪流夢見歐陽子覺來萬壑風松聲滿人耳

汎漢江

廣川微雨過，鼙鼓發中流。
白獮啣魚上青峰，捲幔收江童。
竹枝曲漢女，木蘭舟歸路。重城晚，紅燈滿市樓。

大安驛雷雨

客行當四月，驟雨過三泉。
出地雄雷奮，穿雲急瀑懸。
飛龍氏舊國，白馬戊西偏。
潭毒關前壘，英風尚颯然。

潭毒關宋劉子明退敵處

百牢關

全秦雄百二，南盡百牢關。
人雜氐羌俗，天連彭灌山。
漢臣傳諭蜀，唐計失征蠻。
歷歷前朝事，孤雲落。

照間

嘉陵江上憶家

自入秦關歲月遲
棧雲隴樹苦相思
嘉陵驛路三千
里處處春山叫畫眉

龍門閣

潛水入嘉陵江處即龍洞背亦名葱嶺

四圍碧玉色
峻嶒著箇行
纏盞飯僧松
末風來龍
背冷坐看潛水入嘉陵

籌筆驛

朝天峽上

當年神筆走羣靈
千載風雲護驛亭
今日重過弔
陳跡祇餘愁外舊山青

意中流水遠愁外舊山青
石曼卿題筆亭驛句也

飛仙閣

山行喜乘流江平況如練岸崿有開闔竹樹一葱
舊人言利州風今朝冷然善灘如塗毒鼓舟劇離
弦箭仰眺飛仙閣鳥道危一線彎環歷三朝向背
窮九面絳雲卷輕綃白日遞隱見嘉陵碧玉色晴
雨皆婉變想見吳道玄應詔大同殿此生兩經行
天遣追勝踐醉帽停烏奴已泊益昌縣

蜀詔云利州
風雅州兩

飛仙閣口號

丹頂朱砂玉雪翎朝遊沙苑暮青城前身恐是雲
中鶴曾喚仙人徐佐卿

汎嘉陵江至益昌

今昭化縣

懷何易于

益昌古利州由來五達衢白水合嘉陵山谷相盤
紓我有汎舟役萬里經川塗望古懷清芬所思何
易于刺史乘春下畫鷁盛嬉娛前舟載賓客後舟
羅笙竽索民爲挽舟牽縛須百夫縣令腰笏前挽
舟自先驅刺史驚問狀縣令乃前趨方春耕且蠶
民力方勤劬令適暇無事可以充卒徒刺史聞之
慙上馬如亡逋仁人重一言能使民力蘇考獻徵
樵文摭之載唐書累百守令中尚有斯人無作詩
告有位磬石鐫山隅

晚至昭化縣題孔令見野亭

葭萌朝挂席弭櫂欲三更月上嘉陵水山圍漢壽
城主人具雞黍邀客啟柴荆修竹吾廬似因之故
國情

登牛頭山

連峰去不窮萬疊塞寒空向下惟看鳥憑虛但御
風身投巴徼外目極雪山東五畝湖邊宅何年著
退翁

牛頭山

其上天一握其下潭萬丈峨峨牛頭山排空削千

嶂盤盤石磴危鈎梯絕依傍路與風雲通人出飛
鳥上全蜀萬山圍四顧迷背向歸雲盪胸來浩呼
淘濤浪有如泛香海一葦凌滉瀼夔螭爭逢迎鬼
神獻情狀咫尺即岷峨此亦堪輩行

入劍門

銅鶴香浮 玉座溫七年 講幄奉明恩此身未
了詩中畫細雨騎驢又劍門

放翁詩細雨
騎驢入劍門

劍門關

鎖鑰川東北雄圖自鼇靈一關橫碧落雙劍插青
冥驟雨蛟龍逼驚風草木腥無才繼張李不敢勒

新銘

劍州夢蔣虎臣先生

壬子秋入蜀先生在峨眉是冬示寂伏虎寺

巴蜀重來雪鬢增
夢餘古佛欵嘉陵
手中蹲跳紅藤杖
劫外逍遙白足僧
七祖門庭叅北秀
百城煙水訪南能
兜羅綿界如相待
同踏峨眉絕澗冰

郎當驛雨中二首

金雞賜帳事披猖
河朔從茲不屬唐
却使青驃行萬里
三郎當日太郎當

武連縣南雲氣遮
郎當驛北石槎柯
西風盡日濛濛雨
開徧空山白芨花

長鄉山

相傳相如讀書處明皇賜今名

漾舟潼水碧潺湲一抹青峰想玉顏留得文君好
眉黛薄雲初散長鄉山

晚渡涪江

涪江江水抱山流不見唐家帝子樓記取江東詩
句好澹煙喬木是綿州

縣州漁父村相傳是涪翁故居

越王樓閣已成空州府荒涼苦竹藪猶有煙波漁
父里芙蓉溪上弔涪翁

鹿

抱郭涪江碧玉流一川豐草鹿呦呦倦遊忽憶提
岐語祇有渠儂得自由

猿

蜀道山猿樹樹懸栗皴開處一林煙六牕不遣猶
猴靜漫說愁猿學四禪

羅江驛夜雨

故縣也今省入德陽城北有潺水潺亭

前旌已拂鹿頭關風雨勾留不肯閑何處行人最
愁絕潺亭亭下水潺潺

落鳳坡弔龐士元二首

白馬關前夜雨涼斷碑空在漢祠荒一羣鸚鵡林

間語似憶當年孤鳳皇

沔上風流萬古存魚梁洲畔向江村何如但作鴻冥好采藥相攜去鹿門

午日張成都譚敘州王遵義三太守招集浣

花草堂

故人相見錦官城五月黃梅雨乍晴真向西川觀競渡國師休叱野狐精

戲用南陽忠國師事

謁漢丞相忠武侯祠

碧雞坊外路丞相古祠堂井絡猶天漢穹碑自盛唐

襄碑柳書

當年紛野祭異代肅烝嘗慘澹風雲會悲

歌激大荒

昭覺寺贈佛冤禪師

禪窟偶經行，逢師萬慮輕。
大都明祖意，何必太僧生。
掌內摩尼影，堂頭毒鼓聲。
灼然賓主句，無復下牀迎。

題淨居寺清風亭

修篁江寺古，荷芰木亭幽。
欲悟無生忍，寧從半字求。
菩提本無樹，般若亦非舟。
只自忘言好，虛空笑點頭。

淨居寺謁宋文憲公祠

在文殊院

一代高文奉至尊那知投老葬蠻村祗應迴向文
殊境共證毘耶不二門

成都懷古四首

司馬相如琴臺

長卿但好色慢世亦何有奈何滌器處風流映身
後快意駟馬歸王孫獻牛酒

揚雄墨池

子雲拒富人風義凜當世何物國師兒乃許問奇
字墨池久荒涼四賦空巨麗

嚴君平卜肆

君平神仙流賣卜亦偶爾蕭然日下簾心契希夷
旨我讀指歸論悵望成都市

李衛公籌邊樓

武侯籌筆驛衛公籌邊樓兩賢不並世風烈俱千
秋功高竟不賞海外志窮愁

漢州西湖

當年房次律此地鑿西湖百頃煙波渺中流島嶼
孤琴亭何寂寞片石亦榛蕪欲問邢和璞三生事

有無

放翁房相西湖詩遼城鑿池一百頃
島嶼屈曲三里房公石尚存州解

漢州紀夢

照壁孤檠不自聊
隔牕寒雨打紅蕉
驚回一枕鄉園夢
身在西川金雁橋

雨下牛頭山二絕句

冒雨下牛頭
眼落蒼茫裏
一半白雲流
半是嘉陵水

衆山遶嘉陵
白雲如玉城
江山不相負
幸自可憐生

千佛巖

江作大圓鏡
山爲寶樓閣
莫遣丹霞聞
木石總燒却

利州皇澤寺則天后像二首像是一比丘尼

鏡殿春深往事空嘉陵禍水恨難窮曾聞奪壻瑤

光寺持較金輪恐未工

洛陽伽藍記瑤
光寺尼工奪壻

瓦官寺裏定香薰詞客曾勞記錦裙今日蘭橈碧

潭上玉溪空自怨行雲

李義山利州江潭詩欲就行
雲散錦遙自注感孕金輪處

金牛峽滴水巖

峽口羣峰似鐵圍半空晴雨落霏霏陰谿樹合疑

無路鬼蝶如輪自在飛

峽中多蝶視常蝶大倍之

定軍山謁忠武侯祠

朝登武侯坪遙酌丞相墓渺渺漢川流羣山莽迴

互背臨巴蜀道前指梁洋路髡髦漢官儀再拜冬青樹

黃沙驛

稻畦方罿一渠通兩足村村樂事同白水滿塘秧正綠吳牛閑卧柳絲風

界牌關道中

修竹覆奇蘚飛泉來半空人行翠微裏風度紫蘭裊暫喜俗塵遠休嗟吾道窮誰爲洪谷子移向畫

圖中

四過東湖題宛在亭

小鴨唼喋萍葉亂三枝五枝菡萏開曾連波上花
千頃黃帽刺船歸去來

重題茂陵

絡緯甘泉豹尾催君王夜幸柏梁臺當時諳諫稱
方朔也嬖長陵宛若來

謁段忠烈公祠

昭應離宮盡廢丘司農祠廟儼千秋流芳遺真知
何限火迫當年笑鄧侯

早發臨潼

輦道虛無裏孤城翠靄間西南迴望處滿眼是驪

山

華州西溪

往來宮柳路纔訪鄭南泚水木清華色雲峰澹宕姿江心伏毒寺花外拾遺祠

有子美祠

不見松譚閣松

風日暮吹

郭脩伯宗昌松談
閣在溪上今廢

沚園弔郭脩伯二首

脩伯園中置一
舫居之名齊舫

白厓湖水碧浮天亂石嵯峨凌紫煙十里芙蓉衆

香國此中曾泊孝廉船

大華小華皆削成東溪西溪夾鏡明仙人鶴背忽飛去天風下來聞玉笙

鼎湖原二首

軒轅鑄鼎此荆山弓墮龍髯不可攀多事橋陵一
抔土伴他鴻冢在人間

素女爲師態萬方如聞天老教軒皇馬肝已諱文
成死又見神君祀栢梁

盤豆驛

依然盤豆對檠蘆回望關門岳勢孤思子臺邊一
懷古不知身過玉壠湖

湖城二首

今閩鄉

泉鳩里畔動悲風回首秦山隔萬重仙意已窮巫

蠱起茂陵遺恨犬臺宮

趙鹵誰教近至尊漢庭不照覆盆冤如何病已爲
天子惡謚重蒙又戾園

稠桑驛

感張淑人陳孺人而作

春蘭秋菊不同芳舊恨新愁爾許長應是三生緣
未了又呼妙子到稠桑

舊函谷關

靈寶

白馬東來開象教青牛西去入流沙至今冠蓋東
西客起候雞鳴到日斜

老子故宅

北邙東望冢累累上有玄元古廟基莫以荒唐笑
仙李漢家先奉濯龍祠

次陝州

首春發京國秋氣忽蕭蕭路入三川險人歸萬里
遙黃河流底柱白日下中條河上傳經叟仙蹤不
可招

甘棠

今陝州

弭節甘棠日未晡玉釵金縷散青蕪殺陵此去多
風雨不回尊前唱鶡鴠

許渾有甘棠賦
唱鶡鴠辭詩

甘棠驛

北寺南牙劇戰爭可憐甘露怨誰明甘棠驛外東
流水鳴咽年年寒玉聲

事見甘棠
靈會錄

魏野草堂

陝郊棲隱處寥落對雲山無復花藏縣曾聞菊遼

灣

二句用
野詩

偶敲紗帽出時跨白驥還尚憶汾陰祀流

風杳莫攀

雨度硠石

函關東望勢嵯峨北顧洪濤俯大河自昔雲山三
晉壯至今風雨二崤多國殤白骨埋幽草山鬼清
秋帶女蘿想像秦聲思塞叔夏阜陵下一悲歌

會盟臺二首

溷
池

秦聲趙瑟會西河
御史前書較孰多
臨訣數言關大計
論功終欲首廉頗

不辭頸血濺秦王
進金當筵氣慨慷
十五名城酬趙璧
何如談笑請咸陽

新函谷關

新安

建瓴形勢壓河潼
六國逡巡百二雄
楊僕移來定何事
妬他昭屈在關中

洛陽

國本爭來黨錮連
楚歌楚舞亦堪憐
如何鴻鵠尚

飛去又見蒼鵝出地年

望龍門香山寺懷白傅

神女浦前眉月上
窈娘堤畔臉波橫
輸他六十河
南尹五度香山雪後行

白詩五望
香山雪

渡洛水

脉脉中流望盈盈
羅襪塵西園
魏公子南浦洛川
神蘅薄芳猶在楊
林意未申凌波何處
問秋水正魚鱗

洛神

凌波羅襪欲生塵
賦裏驚鴻態尚新
不信三臺燈

火夜針神真比洛川神

洛川南望

碧嵩清洛洗愁顏伊闢中分兩髻鬟緩翠浮嵐看
不盡綠山南是伏牛山

白馬寺

伽藍半化洛陽塵漢代鴻臚跡尚新太息他年窮
楚獄仁祠空解祀金人

王輔嗣冢

鍾會齊名果是非白楊孤冢夕煙微如何一夕談
名理不救河橋誤陸機

三
緜氏縣

今偃師

白茅授印事何如底許孫卿更上書桂觀蜚廉人
力竭祇緣仙子好樓居

望緜山廟

王子乘鸞鶴飄搖伊洛間至今明月夜鳳吹空滿
山緜氏仙踪杳東萊漢使還樓居高幾許天路渺
難攀

七夕前二日鞏縣阻雨

大火西流日昇仙故跡存王季晉以七月七日上昇秋風來鞏洛暮
雨阻轔轔欲把浮丘袂難招杜甫魂工部葬首陽山神嵩如

可眺三十六峰昏

宋陵

鞏縣

洛水邙山飽廢興
宋家幽寢闕魚燈
奉香不見臨安使
白日茫茫下七陵

七夕雨抵汜水縣

玉門殘壘外
云是古成臯
濁浪喧牛口
雄關逼虎牢
青山空楚漢
白骨尚蓬蒿
七夕風兼雨
悲歌撫

孟勞

紀將軍祠

陽榮

東門黃崖競傳呼
從此咸陽入帝圖
若遣封侯身

不死也須鐘室避娥姁

夕陽樓

鄭州
三首

野塘菡萏正新秋紅藕香中過鄭州僕射陂頭疎雨歇夕陽山映夕陽樓

僕射陂白蓮

陂名傳僕射秋氣滿蒹葭十里銀塘冷千枝白颺斜他年履道宅應憶管城花素手誰攀折飄零自

水涯

鄭州古
管城

圃田列子祠

冷然鄭圃御風遊四十年如不繫舟怊悵餘年還

嫁衛先生老矣又何求

官渡

別駕亡來萬事非夕陽官渡客行稀袁家新婦應
惆悵賸與陳王詠宓妃

中牟縣南湖蒲盧亭是張林宗飲酒處予易
名塾巾題一絕句

南郭孤亭野水濱菰蒲獵獵水鱗鱗林宗未遠風
流在不愧亭名是塾巾

板橋

板橋衰柳日蕭蕭回首宣和似暮朝上巳金明池

上飲畫船銜尾駱駝橋

昭靈夫人墓

驚風古道卷蓬根何處昭靈墓尚存不見梁巫陳
桂醑野人耕盡小黃園

良嶽遺址

內殿傳聞燕親去聲唐人詩人主人臣是親家家香風千樹引梅花玉
華閣裏分明見不羨堂名萼綠華

謁信陵君祠

趣救邯鄲却暴秦十年留趙事酸辛大梁歸後匆
匆甚日飲亡何近婦人

曹門李中丞蒲陽偕藩臬諸公餞別

梁園送客覆清樽
雲作魚鱗日氣昏
劍客廟前相問訊
抱關非復古夷門

曹南渡河望南華山

函關已弔玄元宅
鄭圃還過禦寇家
問渡漆園風雨裏
却臨秋水誦南華

春城堆

金鄉晉刺
公故宅

春城堆上弔諸郗
絕恨參軍入幕時
只有青溪三上曲
風流猶自憶僧施

南陽聽歌

七載離筵喚奈何玉壺紅淚斂青娥瀟瀟暮雨南
陽驛重聽吳娘一曲歌

雨登太白樓

開元陳蹟去悠悠猶有城南舊酒樓吳語曾呼狂
太白洛陽何必董糟丘龜鳬縹渺當牕出汶泗蒼
茫遶檻流眼底無人具賓主任城煙雨可憐秋

南池

南池風景地微雨墊巾來盡日聞蟬語無人共酒
杯一亭楊柳暗四面芰荷開萬里橋西宅新經蜀

國回

龍女祠

汶水
北岸

冰綃霧縠映迴波半額宮黃蹙黛蛾欲采香蘋慰
幽怨不須深避庾此羅

帶經堂集卷五十八